



First Nations
Drinking Water
SETTLEMENT



Owi Wewiib Bigidinigaadeg

Gagwedwe Zhichigewin nongo nisaakisin gewe Ntam Inakaanewiziwinan Minikwe Nibiish Giizhiikigewin

Newen dibaakinige gamgoon agii minwaabmdaanaa owi Giizhiikigewin biitwiwiing Gaanada miinwaa myaawijig Ntam Inakaaneziwinan miinwaa gewe e'dibendaagozijig zhiwe agaa yaawaad owi minikwe nibiish wiindamaadiwinan agaa temigag awii bwaa minikweng nibiish gnigen gwa nigo biboon biitwiwiing Baashkaakodin-giizis 20, 1995, apiinish Odemiini-giizis 20, 2021.

OTTAWA miinwaa WINNIPEG, Onaabidin-giizis 7, 2022 – owi gagwedwewin zhichigewin gewe bebezhiig bemaadizijig miinwaa Betaakishkigaazijig Ntam Inakaanewiziwinan zhiwe owi Ntam Inakaaneziwinan Minikwe Nibiish Giizhiikigaadeg Nisaakising Nongo. Betaakishkigaasijig Ntam Inakaanewiziwinan ado ayaanaa-aa apiinish Manidoo Giizisoons 2, 2022, awii niindaawewaad owi daapinamiwaad. Owi ekwaasemigag gewe bebezhiig bemaadizijig awii niindaawewaad owi gagwedwewin aawon Onaabidin-giizis 7, 2023.

Owi \$8 billion giizhiikigewin digosinon:

- \$1.8 million owi dibagese dibamaadiwin gewe bebezhiig bemaadizijig miinwaa gewe Betaakishkigaazijig Ntam Inakaanewiziwinan
- aanke \$50 million agii waawinjigaade gewe maagisejig bebezhiig bemaadizijig agaa ayaamijig Waawinjigaadeg Wiisigaapinewinan owi onji minikwe nibiish wiindamaadiwin agaa temigag gnigen gwa nigo biboon biitwiwiing Baashkaakodin-giizis 20, 1995, miinwaa Odemiini-giizis 20,2021.
- \$6 billion awii aasgaabiwichigaadeg zhichigaadeg, aanjichigaadeg, bimibidechigaadeg, miinwaa naagidowenjigaadeg owi nibiish aabijichigewin zhiwe Ntam Inakaaneziwinan odenwinan.
- aanji waawiindamaagewin owi Gaanada ado Nankiiwin Naakinigewin owi bimigaadeg kina newen gichi gnesh minikwe nibiish wiindamaadiwinan awii bwaa minikweng nibiish
- inaakinigaadeg shkiwii owi Gaanada ado Ntam Inakaaneziwinan minikwe nibiish naaknigewin
- maajitaachigaadeg owi Ntam Inakaaneziwinan Giikimigewin Anookitamajig owi Wenjishing Minikwe Nibiish
- aasgaabiwichigewin gewe Ntam Inakaaneziwinan awii zhitowaad awiiniwaa ado wenjishing minikwe nibiish naakinigewinan miinwaa bezhigo onendamowinan maajiishkaachigewinan.

Bemaadizijig digoyaawog zhiwe Giizhiikigewin giishpin agii bimaadiziwaad Baashkaakodin-giizis 20, 2017, aawiwaad waajii-ejig owi Ntam Inakaaneziwin (shkonigan), miinwaa agii adaawaad odi Betaakishkigaagiwod Ntam Inakaaneziwin epiichi temgag gichi gnesh owi minikwe nibiish wiindamaadiwin awii bwaa nikaazang nibiish agaa temigag gnigen gwa nigo biboon biitwiwiing

Baashkaakodin-giizis 20, 1995, miinwaa Odemiini-giizis 20,2021. Owi miyaa minik dibagese dibamaadiwin nowonj ada aawinon, penimandaagwog owi onji yaawong owi wiindamaagewin, owi minik agaa daang miinwaa owi epiich bagwadakamig temigag newen Ntam Inakaanewizinan Akiin zhiwe agaa daawaad miinwaa owi apii agaa n'daadizid owa bemaadizid.

Bebezhig Maamowi Yaang Waajii-ejig adaa zhibiigaaziwog ado Shkoniganing Ogimaawin Debwewin Noziwinan zhibiigaadeg (owi zhibiigaaziwaad Waajii-ejig agaa daawaad zhiwe Betaakishkigaagiwod Ntam Inakaaneziwin) maage moshkinebiimowaad wiinwaa ado Gagwedwe Moshkinebiigan. Bebezhig Bemaadizid Gagwedwe Moshkinebiiganan ada niigaanendaagodon dash newen gagwedwewinan naandaaweng owi Shkoniganing Ogimaawin.

Bemaadizijig agaa ayaamijig Waawinjigaadeg Wiisigaapinewinan owi onji minikwe nibiish wiindamaadiwinan awii bwaa minikweng nibiish agaa gnimaa adaa miigsewog aanke dibagese dibamaadiwin. Bebezhig Maamowi Yaang Waajii-ejig age gagwedwewaad Waawinjigaadeg Wiisigaapinewinan aadbeg ada niindaawewog owi Gagwedwe Moshkinebiigan.

Owi Giizhiikigewin age digoyaawog Ntam Inakaaneziwinan mashi ade piitiziwaad binoojiinig, gewe e'bwaaawitajig miinwaa agaa Nibojig Bebezhig Maamowi Yaang Waajii-ejig apii maage shkwaa Baashkaakodin-giizis 20, 2017.

Newen Bebezhig Bemaadizid miinwaa E'giigidotamowaad Gagwedwe Moshkinebiiganan tenoon odi www.firstnationsdrinkingwater.ca miinwaa kina adaa moshkinebiigaade waasamo biiwaabikonsing mazinigining. Owi Gagwedwe Moshkinebiigan age adaa mazinaatesijigaade miinwaa mazinaakozigaade owi onji www.firstnationsdrinkingwater.ca gagwejimind owa Naagaanziitang odi 1-833-252-4220. Newen gagwedwewinan owi gagwedwe zhichigewin maage owi Gagwedwe Mooshkinebiigan, ginoosh Naagaanziitang odi 1-833-252-4220.

Bitakishkaagaazijig Ntam Inakaaneziwinan ado yaanaa-aa apiinish Manidoo Giizisoons 2, 2022, awii zoongitowaad daapinamiwaad niindaawewaad owi Shkonigan Ogimaawin Daapinamiwaad Giizhendamowin awii wiji yaawod zhiwe Giizhiikigewin baamaapii owi shkwaa zhichigewaad ada debinaanaa-aa \$500,000. Owi apii shkwaasemigag awii gagwedweweng, ninda Ntam Inakaaneziwinan ada debinaanaa-aa aanke minik dibamaadiwin dibishkoowong 50% owi minik agaa dibagaamaaziwaad bemaadizijig maagejig agaa daawaad zhiwe ado Ntam Inakaaneziwin odena.

Gmaaminig gwa aasgaabiwichigewinan temigadoon gewe bemaadizijig miinwaa agaa Bitakishkaagaazijig Ntam Inakaanewiziwinan:

- Owa Naagaanziitang bimiikaanan gaagwedwewinan miinwaa dibamaagewinan. Adaa miigwewog owi gagwedwewin zhichigewin, e'digosing naadmaagewin moshkinebiigaadeg owi Gagwedwe Moshkinebiigan miinwaa adaa debinigaaziwog odi 1-833-252-4220.
- Maamowi Yaang Giigidonini gdaa miigwen giikimigewin miinwaa aasgaawitaagewin newen gagwedwewinan newen waawinjigaadeg wiisigaapinewinan dibagese dibamaadiwin maage onashowe gagwedwewinan owi giizhiikigewin gaawii gego nangidesinag. Adaa debinigaaziwog odi 1-833-265-7589 maage waasamo biiwaabikons zhibiigan odi counsel@firstnationsdrinkingwater.ca
- Inendamowin mina yaawin miinwaa mina bimaadiziwin ginondiwin miinwaa gichi niizaanag aasgaabiwitaagewin temgad gewe bebezhig bemaadizijig miinwaa Ntam Inakaanewiziwinan Maamowi Yaang Waajii-ejig 24 dibagiiziwaan ensa giizhigag, 7 giizhigag ensa nigo namegiizhigag zhiwe Hope for Wellness Hotline odi 1-855-242-3310

maage waasamo-biiwaabikonsing odi www.hopeforwellness.ca. Ginondiwin miigwem
owi Zhaagnaashiimiwin, Wemitogiizhiimiwin, Omashkiigomiwin, Ojibwemiwin, miinwaa
Inuktitut, apii gagwedweng.

Dibaajimowin Yaawid:

Kim Taylor
Argyle
780-399-5525
ktaylor@argylepr.com